

四庫全書

史部

欽定四庫全書

平定兩金川方畧

藝文六

平定兩金川賦

戶部左侍郎臣梁國治

乾隆四十一年平定兩金川

皇帝乃洪大誥治敷宣

睿意勒功太學鐫石美諾曰勒烏圍曰噶拉依大文豐

碑於鑠咸熙相臣將臣錄叙不遺等功核實

親序贊之粵稽姚姒爰考子姬武功之赫文德之偉疇
運籌於獨斷疇美備其若斯往者乙亥之歲

天以準部衛拉特二萬餘里肇啓我疆伊犁既定回部底
平土爾扈特歸順賓庭戢干偃伯黃祗砥寧下湔
塹黷上答

乾靈於是天弧直狼璇霄燭晶有睽睨而駭伏孰睚眦而
敢嬰乃有兩金川者僭拉種遺從浸蘖生魚蠶牙

錯小大區名巢居軋芴礪卡縱橫鬱餘氛之沴戾
閔復與而蘊蒸將聚殲乎斯族乃控搏而胚形歲
在戊辰郎卡始貳宓厲厥牙澤旺乃繫冉愕駝駭
邛霾笮瞠於時

命將申討師于是式逾昔嶺而霆驚震雪山以軒輊既
倦虺而籲貸

皇慈惻而回霽赦彼窮蹙不殫其類爾乃蠕匿灌楚蠓
戢峇峇猥獮善閉狂趨思搏甫十年間釁構難作

憑其醜類肆其狂虐侵我土司擾我區落陽釋讎
而師婚伏械深乎谿壑索諾木嗣軀羆濟惡伊僧
格桑嘯侶同攬革布什咱謀殪而盜符鄂克什寨
合圍而攢鏑母姑內翼牝晨家索窮禱比以潛煽
駟力輔以倣姁播狂謠於維州將睨無憂而覩升
絡惡積貫盈自取誅縛

皇帝命總師彰九伐韜鈴握機司馬明法棧閣繆繞爰
啓爰發巴朗約咱跬跬紛撥我師如神迅速飄忽

獍父累俘貉子狡脫迹人躡而來告遂因驢而誅
蟹何妖霧之欲歟巧伺隙以鷗張木果惜於兵分
寒灰燼而復揚當噉屹其難撼殿全軍其獨當

申命定西易符專征火器選徒健銳掄精吉林乞乞索
倫沈沈於彼金川乃剔乃攘翁古爾龍決謀計詳
定西自西威稜霜隼明亮偏師南路窺引再接再
厲前衝後紆西克谷噉始自資哩赤爾丹思南入
馬尼旬日齊捷美諾爰止寇魄悸於鶴唳士抃怒

而虎視若夫丁口差我拉窠盤紆磴磴積雪喬喬
冰途豁間豁舒訖虎崎嶇驍師纏屬靡艱靡虞兵
有遲速事有勞役倚角相倚別派旁出堂堂中軍
所向辟易由羅博元而至色溷普蹴堅其如脆襲
刺穆喇穆而驀默格爾抵瑕於不備截榮噶以衡
擊賊勢分而為二越有宜喜鬱然重山集霰蒹葭
亞峯間關千萃萬夫鳴譟攀援始雖阻於重險終
迅越而無難南路之師西路是倚裨軍翼分如臂

使指甲索撒谷賊逸螻蟻走不及遁潛不暇纏焚
巢毀礪霍霍繹繹他他藉藉至於五十里繫繼勇
之翹奮秉耜桓之夙譽遜克爾宗爰殲爰除列卒
紛前拉朽衝堅乘利席勝接脰摩肩維勒圍之重
秘塹賊壘以蜷垣經樓稜撐冷角蠶攢排隙潛竇
拒救千端雷收聲於地底兮中藏熱而外燔紛交
躡以爭蹈兮若烈火之燎原颺驚飛炬箭重沉船
游兵立於洪波橋既傾而流堙旁徇遠畧鼓怒無

前六十餘所一夕克焉定西桓桓威名宣馳大將
誠謀羣帥指揮斯雍中制舍齊直抵於噶拉依突
擁千甲囂聲流施前翹後拒禽獮草薶一鼓並登
水泮瓦解萬計千羣蜷局就械捷書飛馳秦疆晉
界紅旌迅乎飛檣目一瞬而弗逮囂合兮塵涌潮
音兮澎湃愉氣升為慶霄鬱葩瑤乎華葢肇出師
於辛壬實武臣之宣力嫻軍事而整暇坐甲裳而
備飭以奏膚公有嚴有翼

命將序位各得其職總戎之功蓋臣之績惟

聖主之知人神勸賞於黜陟

睿圖握要妙算前知曦朝日昃軍書羽馳宵衣待旦
旰食疇咨地圖扼塞兵形險巇

心營

筆畫聚米成奇若乃臚列鴻捷刻繪銳武義炳日星聲

馳風雨

作詩紀績據事直言理質語實經焉傳焉

皇帝集是駿烈茂茲大猷對揚

祖

宗升薦

陵丘欽若

皇祖寧成適求厥懸禮嶽嵒冕導輶卻金泥之典陋祛玉
檢之文浮因名山而仰貺精禋穆與

天謀乃徵古義俎大牢學有受成泮有獻囚道演

孔圖合契春秋軼乎百二十國之寶書奚更考於異

郵旣而笳蕭厲響旃旆競驚大愷沕穆翕然煦嫗
動容發音耳傾目注軒樂身律王夏式度宗臺轟
天眇不暇顧紅雲燿而下垂

天光燭於遠路方稽召拜

堯容

湯步左律右鉞俘訊爰獻

午門正中淑景昇見八荒偃武四極寧晏讓善尊

親雖雖肅肅遠徼銷兵

璇闡志懌崇號

寧豫肖實象德蓋以保大定功而滋延

天福也然後本

天道發

淵衷洋洋

聖謨鳴謙示冲重華所為顧省放勲所以允恭憂勤義

易之興旨審己麟經之義宗洵乎垂萬世之道法

揚勲績於無窮者矣夫金川之地險莫殫論衢眎

左擔砥眎劒門昔者漢置汶山斥堠鄰焉唐戍滴
博吐蕃堙焉

皇帝鏡機芒纖羅絡厓垠剔嵌扶竇五稔集勲周檢鄉
嫫三古無聞

皇帝勒銘觀日披雲佳兵慎德垂鑒後昆八旗勁旅闔
虬虎臣師中負吉厥有丈人承

謨視草協益宣勤

皇帝製贊嘉乃恭寅一字崇旌累葉振振此載筆之臣

千歌萬頌揚厲鋪陳終捫璣測乾布肘量坤也臣

國治備員

禁近日聆

皇綸珥筆直廬先覩

天文拜手稽首敬獻云

胚渾融結黃輿絡分雪山矗峙化均烟煴自我

天覆悉主悉臣隸我

皇圖我土我民孰綰我印而險弗馴郎卡首難吹毒鼓

齟戾戊辰之歲薄伐用申既感斯赦復叛辜

恩負其砦阻恃彼礪岫屏肉疆食門穴侵鄰層障隱日
圻裂雲根一綫萬盤結肘胃跟密鑄隱蠱曲磴藏
齟磨牙礪距投骨狝狝維九土司盟誓婚姻不念
舊好肆其噬吞伺隙則齧鋌走旻旻有繫而泰孰
灌而熏厥後嬰討二豎叠因蛩驅陸梁僂僂迷惛
刑天銜戚蚩尤播塵

帝乃憑怒雷礪震震維彼美諾蒙翳荒屯儻拉營巢負

嶠而蹲我師初至炎火烈崑泊乎再收迅激風輪
五日轉戰已薄其垣六丁所擊裂石留痕維勒烏
圍萬嶂插天水陸阻塞屹為重關洪流斜界簸浪
鎔銀二壘傍挾以籬以藩蝟鋒螳斧聚而饒喧棧
梯雲磴苔滑莫攀我衝其脅欄楯鈎連步步而營
蛟龍蜿蜒戴梱囊沙虹橋絙牽撇波一曳力回萬
犍內靡才遺外絕救援地道乃爇天塹乃填金天
夜晶皓魄正圓列缺忽激隆隆聞聞銅九鐵鍵巨

冶鎔煎百樓千櫓摧拉飛烟羌奴呼渴鬱攸中燃
隱聞號呼羹沸蜩蟬遂臨噶依倚尸踞巔絕壁無
梯突兀孱顏大軍既合萬重霜鋌雲羅翳雲鐵網
絡川虺蜉蟻子一隙莫穿戰士踟躕驅縛牲牲厥
魁繫頸厥黨桎拳母姑兄弟妻孥駢肩妖霧澄霽
白日中懸鏡吹和平響答萬山其他攻勦戰且累
千仄徑垂鑠叢途裏羶欲擒而縱若却而前並擣
其虛飛度危巒自天而下脩扼其咽雲氣淋漓雪

霧迷漫突其來如拔壘推堅奇兵九地孰測其端
千變萬化縷數莫殫飛揚七萃威讐百蠻九姓惕
息匍匐曲蜷正我

王鈇肅我戎旃指南之車實惟

軒轅上將次將匡衛環旋

功大彌謙

冲懷穆淵

凱歌卅章舞詠虞薰容臺撰禮樂師宿縣

橋陵動色享祀精虔因躋介邱升中

大園思樂泮水舍萊朝昕神人之事典義深淳交修並舉
備而不繁國陽顯見妥帖圓壇金鉦擗鼓凱奏聲
駢靈轟翮翮儀衛閑閑

大駕回鑾景從千官

雙闕飛翔五雲紫蟠

鑾輿登降以臨以觀異聲同贊合氣齊懽圓靈方祇一
肅一溫陰闔陽開一義一仁文武張弛變化迭循

當斷必斷赴機若神不需以是猶豫以晨應聲舍
矢

志定必伸我勞五載圍靖億春江出其腹蜀都枕岷種
芋織橦同是蜀岷繫豈惟蜀八紘無垠

威稜四摺川嶽效珍畝棲餘糧壘無戰雲金川之功悉
由

聖神惟

帝炳幾惟

帝知人羣策羣力元戎元勲將軍定功

聖主賢臣

皇帝歌詩星文斗辰微臣管窺頌聲以陳四海歡洽來

賀來賓

平定兩金川賦

四庫全書纂修官禮部主事

臣任大椿

皇帝仁洽道豐騰華納祐握珍光之淳全馨景烈其彌
茂

神武本乎靖綏鞮譯般而奔轅榮鏡無外歌前舞後蓋
陸驚水慄而奉丕天之大律者咸洞寰而洽宙然
而豺豕羆豸雖懾以長釘巨鎚而蠢不忘夫騰蹠
也蚋蟻蚋蚌非極之掘堞清壤而膏猶爭夫鉏耨

也伊促浸之小醜敢犯

命而內抗部駢衍夫氏僕儀俗久而悖常騁習俗之注
錯旁佻離夫圻壘已夷七姓蘭峒九羌莫不畏之
如灼黥而賤之猶逐倭奮討則悻慨稽誅則攫攘
眇茲僭拉蚩負鷗張釋毒痛而婚媾類釐孽相頡
頔襲滅恭順咄咄鄉鄉振我錚鐸是用大創聞之
王者握元模而運天權將以誅不寧之侯伐不庭
之國叢爾兩酋如測水以牛蹠之岑度山以苓堙

之塙社不足以墟而城不足以洫顧必揚四征九
伐之威運五行十守之力積月屢歲縣塗不革者
豈不以藁絕崑批陸開逕塞犯盾蟬岑雲霾薜跼
是猶句枉結縷非鏐胡匿戟之所能除蟻蛭麤穴
非武衝扶胥之所能即也懷之而不嘔嘔怒之而
不抑抑恕之以陂倭之性期之以傳噉之情然猶
夷固僻違叨怵殘賊則豈鑿齒必不殲於疇華之
野而封豨終免戮於桑林之域哉

天子於是赫然震怒定策受成選校命將斤斤斲斲箕
張二翼雷奮五兵已朗夷而達圍滅資哩掃而美
諾平貳罷逸翼封狼就刑

皇威霸其大達批功噶以進征賊星未殞軍實偶撓右
甄堅而岳峙命專鉞而擁旄桓桓定西秉畧

神聖審高深於地維決奇賁於天勝中黃育獲機駭電
應分道選鋒互為奇正大格曾頭之兀巛南壩卦
礪之聯亘鉞之鋌之以莫不定蓋不旬日而復收

儻拉之境百戰殪寇指不勝詳頌

皇辭之曷奕繹

崇碑於膠庠敬依比夫事緯之先後以拊本而引綱焉
若夫谷噶西路戔戔嶓嶓伏旌韜於嶼岊雲蓬軼
其若神崖庥谷吞風雷震震電轟礫擊墜不暇奔
血潰成霽飀飛格塵時則剽拉窠躡馬尼穴卡卡
角而掉鞅屢庚特額而列轡竅窵鑿突搏援攫肆
審錯規慮發無不逮然而絨布左回南路庠蔽阻

同宜喜騁騫罔計於是西路之師克羅博瓦五隊
踰垠蘿攀木掾犯礪石而不擎待衝近以相堵殘
牯墜脰歆山飲野岡下溯普列礪以三熾癘熇於
巖岼摧中堅如敗鱗彼引木以牒石我足蹻而手
拊穹步激礪焱焱炎遂開圍而猶伏乃左挽而
右攙負鎬埋谷醢刃貫脰斃厥甲首糝若脂臍則
有喇穆在後徑亘岬嘈僇謀搏總侯徽支繚惟闕
防於西北巔絕崎夫兩礪捫顧珏交叢蒙前崖後

盧肌負骸扛萬足奎踞簡月趨風拂突門而直下
咸赫顱而捭臼披霧襲零撼幽搏空踣跌碎折燃
血熾烽日則了口踰險梯衝賊迺輿奔縻之乃臂
鰭免於鴻量獻軍社以脅閱諱提積而不容師
橫橫而彌奮規地機於

帝聰越凱立葉之陁阻陸默格爾之峪從士皆鵠擊而
蚺應健若撮螭而撥麤也險恃兔窟有康薩爾枚
列三行越塹靡壘膝仰塗而擊擲抗角距而未破

據庖廚以覆身乃匿肘而見跼疾鍛先霆人與石
靡塞窖壅郗三碣畢毀木思工礪胥剝其竈遵巖
陁而下推眎勒圍乃在錡伊絨布之鉦鐸既合力
於宜喜下甲索與得楞迤山椒而直指谷名撒撒
嶙峋碗硯關笥門而列棚守笠居而築塹奮句卒
以撞秘火輜紛而環起維日旁之崇山屯石包之
蜂甯梯阻獬獠徑絕虹蟻挖陁批幽銜縻潛軌祕
響叢篁攝影昏晷踣嶮嶼而上騰襲豺獫以後倚

阪截奔蹶風零斷趾褫魂瞿瞿糾木縈藟沙壩阻
而鷹隼欲奮援而旋跬跨谷彌阜投戈淮弛蓋木
鉤而樵抱甄而汲者胥貫膺屬腸而陵藉乎五十
餘里趨趨跬跬拔額爾替伊石真噉雕悍狼噬刃
血狂趨塗開險盤覆赤爾寨於厓墳跣沙爾尼於
河溼氣震川騰汨活澎湃方斯時也兩軍夾河駢
駢炯炯如鞞與鞞均和節同或攢鏃以旁扼或撻
鐃而反攻宛鉅鐵鉞慘如蠆蜂望絕沙火逃爭磧

蓬積雪條其巋嶺臨洪川而作峯濤飛木颯聞聲
怔忡械筏朝失飛絙夕窮奔溺萬指肉漬波融蓋
已旌摩乎噶爾丹寺而劒及乎遜克爾宗亞斯以
往峭陁鬱紆拉枯下峙而列埒昆色上聳而連嶺
如戶有楹如枅輳櫺將欲捏畢乎吮齧之隙攫搏
乎斥厖之區非隱埒防而設覆梯林蕭而跼虛仰
撮俯擊神扶電扶其何能翦狂猶於金涵墜枉矢
於地廬哉菑則大海餘氛既熄嘽嘽嘽奮力固

植獸蝟禽槽失其劣翦且夫勒圍據大渡之極源
環塘嶙以溜派界托古魯之交空倚隆斯得而奮
翼經樓站其南冷角埏其北渠檐虎落天羅地棘
赤莖青羽聯翩霍繹本未極乎蕭楯之原入何虞
乎游闕之迹一旦薄伐肘不掩腋騰礮石於列虎
似堪蛙之廢燹水可輯而絕杭山有廬而莫匿稀
獫獮竄以憎懷夔魑咷啼而惜慙則豈非陶誕突
盜之靡可原而僞折慙愾之用是殛歟是月也獨

誓畢表貉祠

華轆蹕塞射殪狂犀威靈紛紜旭旭嘻嘻馳桃關而
申捷圓壁湛其澄輝感招拒之肅德抗

王鈇而必夷天人合發廓是

鴻規襟要約之險阻指西里以綰袍築菀籬於遮街衆
犯險而不渝迺燁薪而爇木夷盤戶之貓獐燼燼
炆炆燿燿炆膚脂流自灼骸不及枯審空鹿毀燿
煤燭邪士氣赳赳奮擄科布翼前拒後司間審慮

憍悍虓豁所向悽遽劇蠡癰披棄甲空戍索隆邇
迤一蹶而仆溯蚺蜥之奮張恃呪師以為固奉雍
中與舍齊扼內垠之門戶何雲徹而席卷竟懼怵
而莫詛耀星弧於九天抵噉依而環注越河而西
鼓騎繁騫剿阿爾古而鋒膏瞰獨古木而輻赴開
道乃當甲雜旁附氣踢蹴乎獨松聲雷礪而東渡
抗馬邦之戈鉞通南北之輦互據四會以圍巢賊
快蛩乎安措於是乘距堙處軍輯絙蒺藜環桵杙

鐘錐列鑽白鉞剗鐫媚媚條條而外屯飛壘平題
參連鳴嗥颼颼紛紛而旁激弩臺屹以外睨壕橋
通而中逼焚薶城與團樓窮嬰冥於地防是已陷
其腹而剗其腸乃今倏倏渠渠而不知所息厥室
僂逃剗諸糾纏爰踉蹌以就誅奉渦綬而涕拭縛
黎鮐於鋸餘孽媯嫪於輜側鳩骨肉之蟬咥望質
鉄而色墨肱於沙而思水徒慙慙而罔得也觸於
罍而修聰祗恣恣而滋惑也神怒孽氣將奉

天德圓坑斥之駢田聚窳拔而壹克練吉日謁

橋山溯連鑠於

烈祖用嘉薦夫瓚槃神靈期會捷至臚歡稽上陵於漢典

咨民事於神軒彼馨告夫常度孰能方乎

聖武之遠殫裡柴躡

岱輦掖

大安陳芬

闕里醇美譽然文種武植

聖心以宣

龍輶旋乎東封赤羽回乎西徼類

帝告功封壝植旒臚五等以升成肅三行而面表鏡吹凝

會旌幄宸宥擁鐸拱稽霞煜星燦吳旂魯敝紋紛
拂標

天子用是嘉決勝於提貢勞殊勤於橫草統協祐之
鴻謨曰欽承於

靈畧申尉律息師徒司儀侍司士趨肅

廟

社以獻凱

莅魏闕而受俘華蓋承辰弧旌燭與鞮衣韎韐赫戲駢
瞿彼夫誇鳴叱咤淖濁清污莫識輝烈之光燭故
甘削骨而剥膚膏鏹鎮以明罰悚慙泄之必誅
鍰列列延光照寓稱隆

如姜均禧九土圖麒麟而霞芬襲洪輝於圭組被
融祉之函蒙奉

鴻施之蕃詡信緯遠而登祥咸滋熙而園煦欽勒崇於
睿文中外迪乎

茂矩銷矜刃為鑾鏤總萬嗣而偃武臣備員禮官逖裔
是司伏覩乎

皇上德寓天覆祭宴博被苟面內其必恤克濯盥而不
疑譬髡屯之犂牛猶決鼻其在羈矧夫萬萬而屯
億億而興誠戈指而踵企將翼之於大寧惟亶路
以怙逆豈平典所復矜一蚋嚙膚桀桀至旦負固

勅亂小不可翫始倚契而司詐終隴種而墮斷炎
曦甄耀噪陽窳窳之孽潛懸象軌度絀流旬始之
精散候其禕而光舄繹乎寰甸己仁以為守義以
為行放準修繩達昏牖明蔽元辜而

法勅運肺術於隆平撫縛絀而覆露震惛漠而聳誠萬
國元靜泰柄握衡夫寧惟是推搶搶而攻揭揭而
同於廣斥勤遠之用兵哉



平定兩金川方略

欽定四庫全書

史部

平定兩金川方略藝文

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略

藝文七

平定兩金川擬露布一首

翰林院侍講

學士臣紀昀

臣聞威揚是鉞非燿斧所能支怒奮雷礮雖蠶叢

而亦關應天者勝定申四冢之誅恃險者亡難負

三苗之圍故主師仗順歷百戰而無前逋寇偷生

終一朝而就紮靈夔震吼西人之膽全寒雄虺摧
藏南粵之纓遂繫茶承

睿畧已縛渠魁竊惟兩川者俗帶蠻荒人原羌族金牛
開道為五丁未鑿之餘玉斧分疆在一水相連之
外九氏雜處率遺種於冉駝八國參居盡隸名於
默啜路通的博問唐戍而皆迷郡接汶山出漢封
而更遠蓋四萬八千歲後至建興始控以城而五
百六十人中在嘉靖尚名以寺羈縻勿絕古來徒

繫虛名叛服不常此輩遂成天性洎我

朝龍驤討罪初定岷岷狼種傾忱全收邛笮桃園置
堠已歸版籍之中種布輸實久定臣民之分百年
培養漸如奚別東西兩部區分遂似宛名大小沐
天朝之雨露各長子孫割蠻土之山川自成聚落而乃
中山狡獸最解忘恩西部遺羌從來喜盜包藏桀
黠縱橫黃石之墟突肆貪殘蹂躪青衣之外吠同
蜀犬忽爭骨以磨牙毒類巴蛇竟擘山而掉尾往

者 辰之捷伐玉弩騰芒實因郎卡之憑凌銅頭
興暴乃以驚弦落羽梟不東飛負矢哀鳴鵲知北

向

天心仁愛許還松堡之師

聖度宏寬容免竹王之戮凡以綏柔荒裔俾板楯之知
歸何期孤負

深恩仍夜郎之自大爪牙暫戢密蓄機心羽翼未成轉
修舊好吐蕃嫁女羈勒律之歸唐拜罕釋讐結先

零而窺漢陰謀未遂十稔先盈遺孽猶存九嬰彌
亂凶殘有種索諾木虺復為蛇貪冒無知僧格桑
狐因假虎莎車構怨稱戈善鄯之城般屬興戎喋
血羅支之帳四鄰假擾月明而軍柝宵驚二豎披
猖風吼而戰雲晝起釁生同室雖為蝸角之爭境
接中原漸慮犬牙之錯屢吹毒焰似聞旺烈遺風
敢播誣詞擬逼姜維故壘蓋兩階干羽終莫格其
頑心八陣風雲自宜申其顯討乃以邊臣計左未

能宣布

天威聞帥謀疎無以欽承

廟畧始則印歸邛谷陽受約而彌驕繼乃城屬兜題已
失巢而復得僧格桑走林兔免將三窟之重營索
諾木振羽竒鷁更九頭之彌點借降人以用謀初
同婦嫁維州留部長而不歸正似王囚阿惡迹其
質渠以割地具有深謀足知挾衆以窺邊終為後
患敢圖悖逆僉云罪已通天苟不剪除深恐勢將

滋蔓

皇上是以威操湯鉞迅調銅符武震軒轅重開玉帳乾

隆癸巳六月

詔以

臣

阿桂為定西將軍以

臣

豐昇額

臣

明亮為之副

握虎鈴以命將星動河魁引鶴列以陳師風馳山

子旗分柳綠滇黔秦楚之兵襦映花紅彭濮微髣

之卒宣明賞罰令嚴而壁壘一新簡汰疲瘵氣奮

而笳簫倍響復以

禁中羽騎初時未果從征因而城上蜚弧所向莫為
前導牙璋飛召爰蒐健銳之雄桐鼓交鳴併簡索
倫之衆攜來飛矢天邊齊射狼星倚作長城間外
寧驚鶴唳四竒四正共成風后之圖九拒九攻誓
累溫禺之血龍吟畫角雪山之亂石皆鳴馬振連
錢玉壘之危峰欲動蓋將永乎邊徼務在擒王
所以大合乎軍鋒不辭用衆

星樞高挈周萬里以提衡地絡岐分用三驅而取道

睿謀指示共瞻

軒帝南車衆志驍騰齊出益州北部一軍別駐俾成
尾之形兩路兼攻各據擣虛之勢山川聚米已全
境之周羅戈甲指雲乃中權之采入是歲十月

臣

阿桂等由資哩諸處進兵收復鄂克什官塞芙蓉
淬刃新軍皆初試之鋒薜荔懸厓舊路是曾經之
地蛟人宵潰競自棄其卬籠楚幕晨空俄全清乎
甌脫川原如故已遷之邢鄆仍歸井甯不移待救

之江黃先慰十一月進攻路頂宗明郭宗收復美
諾千盤鬱崱青壁無梯一棧延緣黃雲迷迺當年
伏莽僧格桑借以潛藏此日負隅索諾木恃為障
蔽崇墉再伐尚因壘而不降齊燼重收竟背城而
思戰橈槍焰吐竄矜之氣方張睥睨塵昏格鬥之
聲遂合風生勅弩平驅犀手三千雪壓危巒直接
雲梯七百弓刀爭響峻嶒之石骨皆摧樓櫓平頽
睽睨之旄頭倏墮揚旂撾鼓一時三逐殘兵按籍

披圖兩日再收故地闔其門戶已播長狄之喉撤
彼藩籬早斷匈奴之臂甲午正月進攻谷噶了口
初臨寇境一九早已泥封橫阻前茅千嶂都如笏
插蜂房蜜綴異敗亡鳩合之餘虺毒橫吹正僥倖
鷗張之後銅丸走坂憑高者藉勢囂爭石角鉤衣
躡險者排空馳突弩張劍拔兩軍之銳氣皆新雷
轉山驚三鼓之餘音不竭喧呼沸地似翻骨母之
潮烟焰迷天忽結蚩尤之霧戰酣不解應龍之翼

彌張力竭難支妖鳥之巢乃覆於時臣明亮亦由

赤爾丹思攻破馬尼牙旂並建輔車之勢相維羽

檄遙通犄角之形早據獨當要路既無旁顧之虞

徑擣中堅益奮直前之氣三月臣阿桂抵羅博瓦

外郭是恃秦人倚函谷之關舊壘原堅晉帥阻偏

陽之國四峯矗立高深並自難窮八壘回環左右

皆能相救羊腸詰曲非一旅所能攻蛙徑紆環乃

五軍之並進分朋列隊數符太乙之旂飛矢揚兵

氣壓常山之陣參差迭起驚飄瞥之無恒蹂躪橫
行駭枝梧之不定山精血染倏半化於青燐木魅
巢傾遽停吹其碧火會以風吹山帶乍浮迎陣之
雲水挽天河預灑洗兵之雨苔衣夜滑未利行師
嵐氣晨蒸且留養銳計其時日正同虞帝之七旬
簡我師徒乃及宣王之六月是月克色朔普進克
喇穆喇穆及日則了口七月又克該布達什諾木
城及格魯瓦角諸寨兩軍夾擊都如絕地而飛一

隊潛行忽似自天而下四山陰合霧濃而伏豹爭
騰萬木聲號雨急而怒龍奮攫蠻獠密挂雖側足
以難登鬼彈驚飛終仰攻而不避丹厓平裂直彎
沒石之弓翠嶽中摧如有破山之劍轉門萬峯之
下幾歷千盤出師一月之中因成三捷兼以橫摧
鉤楯道如刊木而通因之徧蒸團焦勢似焚山而
獵雷能破柱一聲而斷梯紛披火自生風四顧而
殘煤空舞地中鼓角真草木之皆驚雲外旌旗早

山川之相望重巖複岫巨靈之蹠齊開羈魄殘魂
貳負之尸遂械然而大軍未合猶紆道以求通點
寇多岐當出奇以制勝披榛得路一時幾費峙壩
括地成圖萬里乃蒙

鑒照與

天合契信必克而無疑惟

聖前知果圖功而有獲十月由日爾八當噶之下榮噶
爾博之上取道攻得默格爾進據蜜拉噶拉木併

克凱立葉諸寨武陽別出廣漢先驚斜谷方開陳
倉徑度股肱雖在拊其背而難施首尾空存斷其
中而莫救颺輪捲地聲酣而山鬼皆逃火繖燒雲
勢烈而沙蟲俱化三周不注連逐齊師一出井陘
併空趙壁深林搜伏旁批蟻穴之柯高嶺屯兵徑
卓虎牙之帳乙未正月克康薩爾四月克木思工
噶克了口山河表裏勢既居高豁谷崦岬逕尤絕
陡過茲以往俯攻卽似建瓴據此而爭死守亦同

奪刃困猶力鬥更憑九折之厓險已難昇無阻千
秋之雪賊先有備伺得隙而後投兵貴乘虛待不
虞而始動衝車忽合易水晨驚鷺鴨齊鳴蔡州夜
襲一則遲以兩月用三日而畢收一則稽以九旬
越一宵而立潰要津得據武牢竟扼其吭大勢全
歸上黨已居其脊艱難爭險頻年幾度持籌奮迅
摧堅茲夕始為如志然而遜克爾宗者縣車束馬
我原避險而來穀弩枕戈彼尚增堦而守小能害

大舊聞蜂蠆之言後或乘前古有螳蟬之譬五月
既得噶爾丹寺噶朗噶舍圖枉卡乃遣臣豐昇額
等銜枚卷甲曲厯蛇盤附葛攀藤直探虎穴神方
助順霧迷五里之陰人盡潛跡花隱百重之影一
呼忽起震屋瓦以羣飛諸道交攻數闔枚而已逼
爾弓爾弩排闥難施我斧我戕鑿垣競入豺狼當
道於今忽得全平魍魎不逢從此無憂竊發七月
進攻昆色爾及拉枯等喇嘛科布三寨舊則大海

諸處霜濃露滑未怯山行月黑風高最宜夜戰直
摩溝壘爭看突將先登已逼門庭肯聽蠻奴死拒
萬山皆響立頽鉅鹿之沙一炬橫飛遽烈崑岡之
火布金成地唱梵唄而無靈築石為居瀝蠻墟而
悉掃六丁雷電橫驅者甫屆三朝兩路塵幢會合
者遂臨一水適臣明亮既破宜喜之後亦廓清日
旁一路五十餘里進攻額爾替石真噶諸寨盡得
上下沙爾泥之地雕旗遙望欣聲勢之相通金柝

時聞覺威棱之益壯成功有日約共繫夫凶渠乘
勝造驅遂先圍其舊砦八月大兵攻勒烏圍五重
危磴鐵骨含青一帶洪河銀濤翻白高墉揭蘖共
成獸角之形堅壘周環曾是鴟蹲之地噶拉依遙
資屏障儼築重關轉經樓近與毗連竟成夾寨潰
兵歸保逆徒猶自蜂屯大旆臨攻醜旅依然螳拒
於是鈞連長棧先防援應之途絙曳飛杠預斷浦
逃之路平堙坎窩竊同韓信囊沙橫激雷霆未許

劉鄩掘地長圍既合俄飛走之俱窮孤堞將傾乃
騰凌而並入金戈晃耀三千之控鶴齊呼玉宇高
寒十五之明蟾恰滿四圍礮火中天掣列缺之鞭
一片刀光半夜射望舒之魄堅城既破真看鯨今
浮尸窮寇仍追會遣樓蘭對簿十一月進克西里
科布曲索隆兜窩又克朗阿古則朗噶克了了口
旋據噶占十二月由瑪爾古當噶取舍齊雍中兩
寺遂直擣噶拉依屢征屢下全成破竹之形彌入

彌深真類剥牀之象迫於頃刻信幕燕之知危緩
以須臾尚釜魚之乞活盤飧之六男六女多隨母
以歸誠哀牢之十子十妻半挈家而納款惟茲逆
豎守陴之哭已聞自保孤城銜璧之迎未肯既而
臣明亮等掃清河西諸處渡河而來緩路之兵亦
乘勢招撫噶咱普庚額特曾達諸寨隨而續至大
軍既會一時燦若星繁列校爭前四面圍如月暈
雲羅萬里周陸而飛鳥難逃鐵網千絲截水而游

鱗不度外援已絕鳶無可寄之書內顧無謀鼯是
已窮之技不降不戰理難聽其苟延且撫且攻勢
將出於生縛乃乘彼亂渴無拜井之衆爰鼓我師
怒躍射彊之矢火珠激迸烟漲成雲金彈砰訇焰
飛掣電戰塵瀕洞聲喧而地軸皆搖殺氣蒼黃力
猛而天梯直上逆酋索諾木求生無計餘息空存
欲死不能驚魂先餒諭之莫省不為鄭伯牽羊悔
亦難追乃向班超抱馬遂率其兄弟莎羅奔甲爾

瓦沃雜爾斯丹巴及兩土婦與大頭人丹巴沃雜
爾阿木魯綽窩斯甲尼瑪噶喇克巴偕兩喇嘛挈
所屬二千餘人捧印麾前泥首乞命風沙自潰窟
穴全空盤索成禽妻孥並繫狂童右桎不留梟獍
之蹤孽黨反衿未漏鯨鯢之網劇壕處處業已焚
巢貫索纍纍非同獻馘妖星墮地雲開石紐之山
魔雨回晴花暖桃川之樹北上之檻車一發九姓
知咸西師之鏡吹將還六軍奏凱粵自戊辰以後

凡兩征而邊釁始清聿從辛卯以來經五載而戎
機乃藏蓋事殊擒闢路別中原勢異征淮據非平
地削成峭壁山山皆九渡之河絕出懸崖步步是
七盤之嶺隨心取徑更無蜀棧相連到處藏兵總
覺峭師可禦故其地僅千餘里而往來莫得其途
其衆僅三萬人而出沒莫知其數仰賴我

皇上珠鈴獨握密運兵謀金鏡高懸熟籌地理申明

國典飭司馬之明條汰斥邊軍選羽林之勍旅發金

錢而弗惜民不知勞輓芻粟以常充士皆宿飽
恩威並用人人懷効命之心

指授無遺事事稟先幾之算所以稍稽歲月終得有成
備厯崎嶇卒能奏績魚蠶未闢之地列戍開屯葛
姜莫到之鄉陳師鞠旅罪人斯得藁街待正明刑
荒徼咸寧板屋永霑

渥澤黎風雅雨和甘過大渡河邊羌竹蠻花蔥蔚接無
憂城外巴渝舊舞齊隨破陣之歌蜀國新絃總奏

平邊之樂往者天山左右宣威而宛馬東來今茲
益部西南討叛而參狼內向後先一轍總

聖皇猶運之謨上下千年皆舊史未聞之事從茲饒歌

十曲召岐伯以重增定知譯曲三章接唐蕞而踵

獻域中慶洽閭外歡騰臣等仰藉

聲靈幸禽醜逆星郵迅發尅期書到甘泉雲棧飛馳側

想邑名聞喜戢兵轡野彌昭

軒皇教戰之功偃伯靈臺聿瞻

姬室修文之盛臣等曷勝踴躍歡忭之至謹奉露布以聞

平定兩金川闡謨

謹序

翰林院侍講學士

臣

朱珪

皇上至仁天幬知臨幾灼神武乾斷初討金川服則舍之不訖厥誅既而蕩伊犁收回部光

聖之緒開地二萬餘里極天西北哈薩克布魯特鄂罕土爾扈特咸先後歸命內屬土圭測影至於日入之部枕矣胥矣古未有也乃促浸僨拉比惡脩德大師克之五年掃其窟巢罪人族俘功成大釐

臣

伏讀

御製平定兩金川告成太學碑文暨

勒銘美諾勒烏圍噶拉依之碑仰惟

聖謨淵齋

佑信順靖民之勲一勤永救猶

心惻衆勞若將不及蓋堯禹之克讓克艱不矜不伐

大聖人用心萬古一揆也

臣珪蒙

恩慈再入翰林欣覲

盛烈愧駢淺荒落無毫髮裨效注鳴翼振亦欲鼓舞
太陽太和之光氣竊不自量作闡謨一篇庶竭攄愚忱

宣繹

天子睿聖功德颺於無彊謹頓首以獻其辭曰

天以大氣束九輪陰擎陽張亭毒墜螭或戴景而
衛跡或匿暎而巢蟲馮生攬綢孰溢靜是厥惟大
君仁以均之知以先之勇則刺之有不若迪辟以
止辟所以康兆民也故潰夙沙鑿絕轡疇華誅三

危竄有危勦絕鬼方既濟聖人皆祗之非得已也
昔周舞庸蜀秦嘲牧犢蹊其金斗即於白鹿漢開
四郡策駝變俗深入不毛葛姜之勞有唐不競遂
驕吐蕃麋谷清水要盟屢寒羌耽視乎全蜀廼嫁
婦於維州謀而取之城曰無憂牛李爭柄殺悉恒
謀金川故懸小封更置王建徙州棄其地利劃大
渡以玉斧宋割險而不治元設碉門暨長河西明
障雜谷鄰金川寺稍蠶食之聿遷其地夫金川者

固三十三番之黑子而董卜韓明之細也卽籠之
巢攫風乎上碇下碇牛皮之筏箭括乎沱水孫水
繩橋縣度之摩曳白狗白蘭之脣齒連天萬巉絕
地寸跬遠達烏斯之藏俯瞰井絡之底苟蠅尾之
有毒雖顛藥其必掎

皇天啟佑我

國家自我

列祖出震御天八紘八彙同於太平

皇帝紹

重光求民莫兢兢乾乾無一夫不被潤澤惟十有三年金
川用師則以促浸之蹂躪拉而澤旺獲也元戈西
揭郎卡面革

帝曰宥之是我大有造於兩金川而不利其壻也

天畀所覆何遠不輳犂伊犁為平川芻宛馬於內廐準夷
四衛屯田列堠其陽城郭至拔達山葱嶺和闐實
窮河源徵張騫之鹽澤辨篤實之火敦遂臨西海

真睹崑崙二萬里外國之西門徑乾阨而包坤角
彼汶山華離之地曷足云乎然而

天緯旭卉機發必克償拉首禍促浸偕德澤旺昏而僧格
桑世其凶郎卡死而索諾木稔其慝始則賢粟擒
乎鹿芎既而剽女妻乎無弋狼狽負固而逆命蜚
驢同難而薦食亂草布之室家躪鄂什之疆域

天子以為鞏金隄者瑾螳穴力原田者芟陂芳不一勞
不可以久逸不暫費不可以永寧師出以律不臧

是懲枕蓼首而

命將執螫弼以先登於是摧巴朗復草布資哩既克美
諾入據覓兔走其三窟飛蟲懸於一縷姑句跳而
從其妻迷唐號而夷其父方移金鼓於昔嶺詰罪
人之逃逋賊乃善幻山鬼夜諱乘無備之莫敖戕
致果之狼睥小往大來一發歛

天將盈而殲旃故不可以五稔也當噶一路整軍而出

皇帝申命阿桂益汝吉林索倫黑龍江暨健銳火器凡

兵七千惟汝定西將軍帥之時則天策電掣虎螭
麋至六軍一心

廟算神契西南夾擊大風掃隧隕八卦之連雲剡雨宗
於浹日再收美諾而饋拉之功訖矣

詔攝提格摩泰一鎗鑿天險誅魁兇馬尼南博谷噶西
縱宜喜絨布角犄肩膊西路大軍直鉞羅博色湖
拉穆抵於默格忽起前而蹶後稟

九重之指撫鏡萬里如投籥康薩爾梁嶮嶢釗鉉太古

積雪嵯峨龜裂九鳥不照飛鳶顛達木思工噶谿
研閉豁三年之阻一日而掇其時北師自日旁茹
寨攻石真噶沙爾尼戰河之西而大軍克噶爾丹
及噶朗噶踞高而控低刷遜克爾宗如鞭尻雕仰
剽毘色火炎拉枯菑則海燭燠池魚拔柵木以
為棧凌章噶而上梯遂披冷角寺次於勒烏圍是
惟賊之舊巢錮重甌而獨牢轟經樓於天半礮卡
俾僂而錯交因獸入穴層厂外已五丁顧而躑躅

九攻盡而莫挑於是槎林樹柵截河楮枿鉤鼃鼃
而石筍折燧龍牛而冰崖鍛擁沙囊於上樓鳴鼓
角於地竈降天出淵神駭鬼暝中秋之望圓靈鏡
空蕩滌月蜎蕭條天風鯨鮑他藉招搖奏功遂以
夜半克勒烏圍捷書八日

聞於木蘭之

帷宮我軍合圍逼噶拉依踣梁踰溝先克西里乘其
高標風起火舉奪科布曲及索倫古舍齊雍中跣

入庭戶南北兩路破竹解瓦掃獨松驅馬邦天會
於麾下乃籍獵物火蟄獸投焚石砮夭穀縲索髻
龜蟻蠓不漏煽鑪鐃於大冶鑠崑岡而裂吼狔菴
駘投絕其哺穀厓焚籲天罪大莫宥於是嬖姍妹
徒斑蘭精夫烏語哀牢之母項髻朱戴之婦槃瓠
則男女搖尾鄭瞞則兄弟駢首窮剋匍匐乞命晷
刻乾隆四十有一年春二月丙午索諾木率其兄
弟莎羅奔甲爾瓦沃雜爾斯丹巴及助惡大頭人

丹巴沃雜爾等就擒於軍金川平甲寅

帝方祇謁

東陵

蹕桃花寺紅旗至惟

皇天

列祖孚佑

聖志中外大悅

神人咸喜

皇帝曰吁惟將軍阿桂百歲歲事功第一列爵上公有
加賜自副將軍以下論功封賞以差圖形

紫光閣相臣將臣冠劍鱗次乃徵

帝典攤

文思

銘太學之碑暨美諾勒烏圍噶拉依

天子穆然念康功甚勤而勅

命之不易也一篇之中三復致意竭石鼓而汁五緯廟玉

壘而表萬禩告功

泰陵

大孝繼

志扶

安興啟華芝澤春浚延

蕃釐甘雨滲漉條風旖旎

日車臨乎青衮顯大觀而瞻

德威

登岱宗陋亭云告成

闕里偃伯秩文復租稅却貢琛養耆老甄秀峻旋
龍舟棹析津覽來年之菑畲樂豐年之嘉與孟夏之
月六軍凱歸乃

幸良鄉郊臺而勞之萬騎按隊鏡螺震天猊甲虎鬚觀
者如雲

皇帝率百官謁

天受祉張黃龍之纛

御翠鳳之邸將軍前跽行抱見禮

天光霽穆

清問燕喜乃扈

鑾啟行馬上奏

凱歌三十章擷常杜之華皖韻勺箭之鑠清鈞天雲

門訢合歡聲歸於

京師前期以索諾木及其人屬獻於

太廟

太社

皇帝乃御午門司馬牽組司寇致辟受俘於

闕下五月朔恭加上

聖母皇太后徽號曰

崇慶慈宣康惠敦和裕壽純禧恭懿安祺寧豫

皇太后惟億億年萬方咸

寧六合由

豫惟

聖母篤

天祐祐乃

頒詔天下告於

郊壇徧於羣祀行慶施惠不不煦嫗朝賡衢歌雍雍乎羣

雅鏘鏘乎九夏

訏謨定頌聲作乃為遠人畏德成德樂德三章之詩備
鞮鞻焉畏德詩曰羌氏石處霜雪之窟山巒蔽虧
不見日月大夏涸凍不知寒苦

天威赫眀霹靂澍雨鑒巖築碣莫我堅厚塹江笮橋莫
汝險溜今何有哉蕩蕩戶牖僨拉函廬促浸族拘
兄弟母孥長繩曳婁蜀之西北而大山海

皇帝治之亘二萬里傳告種人東面拜跪

皇帝萬壽有向無倍感德詩曰昔九土司日夜弄兵爾
牙我肉狼藉塞院草布什咱為促浸斫掠其婦女
嫫嫫弱彼鄂克什與僨拉讐埋蠱咒詛俾汝虔
劉謂維州橋可以跽蹠鵠鷗仰嚇

天奪汝魄

皇帝

天哉誅鋤罪人殪彼豺狼卹此寡矜自今以始我田我麥
我羊我牛莫我辛螫筴班罰勅宰蹈舞

皇帝萬壽心歸

大父樂德詩曰我我岷山湛湛江水去天一尺江歸於
海正陽化醇熙熙若春壬哉林哉今為內民夏有
甘露秋無盲風冬日煦暝雪冰和融蜀土磽腴咸

賜復除赦過宥罪與民堅甦寢寢都護我鎮我撫昀昀
屯田我戍我保白狼盤木樂漢之大烏斯朶甘吐
蕃邏娑

天錫

皇帝覆育中外日月出入無有疆界

聖德高厚恩澤周匝

皇帝萬壽與

天意合陳詩歌之

天人之孚極於四和是故一夫不獲坐以待斲惟

皇帝仁榮鏡萬幾丕應徯志惟

皇帝知勿貳勿疑九圍以鞏惟

皇帝勇百姓日用而不知

聖人之謨豈不睿哉堯曰日慎一日舜曰惟時惟幾禹
日孜孜德先祗台故動則有聞必先靜則中心無
為以至於萬年鞏我不丕基

平定兩金川方畧

欽定四庫全書

平定兩金川方略

藝文八

平定兩金川論

上下二篇
謹序

江

蘇

學

政

臣

彭元瑞

維我

皇上文武聖神克集

大勲兩金川全境蕩平逆酋授首梟其母姑兄弟頭人

等生累駢繫咸膏齊介蓋距戊辰受降二十有九年距辛巳平定西域十有六年前後異宜大小殊勢惟

聖人之心無弗周故

聖人之功無弗成要其奉

天討稟

睿謨用底我

偉績是謂大同

臣

恭聆

鴻捷踴躍忭舞自惟在遠不獲親見

闕下受俘之

上儀顧數年以來仰繹

諭旨

詩文審知茲事體大亦冀有所發明而見聞竅縈文又
兄弱大恩無以稱塞謹著論上下二篇殫竭愚慮
期萬一推測

化神妙用以致茲

顯功駿烈重臻疊奏之盛

臣

誠歡誠喜誠愧誠悚稽首

頓首

論上

金川之事昉於乾隆丙寅年受降于戊辰年亦既
包蒙之今而征之且勦絕之前後異宜甚矣

聖人之大也天地之道風雨露雷遷化流形春生固生
秋殺亦生

聖人之道仁育義正不蔽於物不偏于用不泥于時惟

其當而已矣戊辰之受降其前事已不具論既受
降十年郎卡復稱兵不靖倣擾其鄰封狼驅羆以
至索諾木習為故常僧格桑始衅終合蛩蛩距驢
魚爛獸鋌夫僭拉促浸我九土司之二也其所擾
之草布什咱等亦我土司也郡縣之吏一文書相
齟齬則大吏以聞於朝廷而黜之有兩匹夫于此
戟手而詈張拳而鬥朝廷之命官治之殺人者死
傷人者抵臯曰

王章也

王者無外視土司猶郡縣也視蠶屯螳聚之衆猶兩匹夫也

諭之而不草威之而不懾是怙終也虞書曰怙終賊刑矧復有至維州橋之謠維州

天子之內地禮曰以足蹴路馬芻有誅齒路馬有誅以彼黑子之地烏合之衆若羣鼠自門穴中耳固萬萬無至維州事而敢于造作言語無復忌憚將例

以齒馬蹴芻之罪實倍萬也而能無誅乎然則前
之降得無不誠戊辰之役我師深入滅此朝食窮
猿投林枯魚泣釜以自丐其命安得不誠

聖人先覺不事逆億初何嘗計後此之滋擾而不受之
即安知非

昊蒼降鑒其不誠俾反復侵敗以稔其惡盈其貫而即嚴
誅而

聖人于是奉若而不違且夫力不足以滅之故赦之此

漢唐宋中盛之時所為也惟恐後之力不能滅之
故不赦之此漢唐宋全盛之時所為也若乃誠則
赦之傾則滅之

聖人何庸心亦行所無事赦之惟我滅之亦惟我此又
我

國家郅隆極盛之勢振古無前者也有今之平定而
後知前之受降乃

聖人之大度而非屈于兵力之無如何有前之受降而

後知今之平定因彼自作之孽不得已而用之聲
罪致討協乎

天心二事者交相為用不蔽不偏不泥其斯以為

聖人之大

論下

皇帝平西域收準回兩大部五年而

大功成金川兩土司耳視西域僅百之二三亦五年而
大功成大小殊勢而

功同何也天下自外於王化者所恃有二曰恃其遠也
故周宣王薄伐玁狁僅至太原曰恃其險也故三
苗左洞庭右彭蠡而勞禹征高宗三年克鬼方著
于易象西師之役拓地二萬里遠之至也稽古有
事蜀徼者蠶叢魚鳧開國茫昧金牛開道秦謀遂
成三代以前且無蜀矧桃關以外乎漢通邛笮冉
駝以為遠至以文難蜀父老在今內地唐之維州
陷於吐蕃既來旋棄牛李交關明平播州水西兩

土司乃遵義平越之地更為腹裏然則金川在前
代非不遠也哉

國家版圖式廓一尉一候跨越無垠故金川不可以
言遠專以險金川之險阻隘而多山重岡疊嶂蔽
虧天日兩山之間人聲聞影接相去數十里夾為
阨谷蒸為沮洳地又多雨雪道隱氣寒逆酋于其
要害築堅礮守之森若林立矗若雲上我仰而攻
彼瞰而守肉薄魚貫不能成列故能負隅阻兵苟

延殘喘遲之以至五年夫大且遠者謂我不能至也如彼逐禽少縱即逝九地九天罔不如意利在速小且險者將以老我師也十圍五攻反客為主網收囊括久以困之不病其遲

聖人之心無遠不邇無險不夷燭乎

幾先貫乎事後照之以

几席萬里如闡閭運之以

宵旰五年如一日若操

成算而符左券也禁旅出土氣奮重帑發轉饒裕士飽
馬騰民不知兵遂以犄谷噶刺宜喜鞞日旁膊昆
色盪默格爾康薩爾再剗美諾轟勒烏圍環決噶
拉依水斷魚鼈草刈狐兔長圍既合飛走路窮噐
噉緩死終夜有聲宵壘既闢頸阻相屬濟惡之族
助虐之醜類燠穴焚巢無一兔脫茂矣大矣盛矣
大矣其斯為

大武之全功也乎昔漢誅南越餘善而弟郢立懸宛王

母寡首而其貴人不出宋虜繼遷之母而地斤澤
逃奪崑崙關而儂智高不得明三定南交檻黎季
犛黎澄而黎利蘖芽以畔伊古以來用師邊徼者
功未有如

今日者也故有平定西域之

大功即不可不有平定金川之

大功孔子曰我戰則克祭則受福

聖人之功所以成者不同其

揆幾決理以成之者則一也謂遠可負曷不觀準回兩
部謂險可支曷不觀金川兩土司揚

大清之

天聲極天覆地載六幕之內聞之者孰不陸震水驚
魄而膽落也孰不廩廩焉如兵在其頸也孰不如
燎火熛蓬疾風捲秋篠也殷武之五章曰赫赫厥
聲濯濯厥靈其二章曰自彼氐羌莫敢不來享莫
敢不來王為

今日頌也

擬九姓土司歲四首

謹序

國

子

監

助

教

臣

吳省蘭

乾隆四十一年春二月丙午

王師克噶拉依促浸土司索諾木窮蹙丐厥命挈其帑
奉符命降于軍前後就縛者厥母阿倉姑阿青莎
羅奔岡達克朋楚克甲爾瓦沃雜爾斯丹巴及黨
惡頭人山塔爾薩木坦達什阿庫魯雍中瓦爾結
丹巴沃雜爾阿木魯綽窩斯甲尼瑪噶喇克巴等

盡俘以歸甲寅

皇帝薦成於

東陵捷音至

行在

詔班師爰設鎮于雅州設協于美諾迺戍相望邊障無
闕夏四月戊辰師還

上親勞于郊越翼日己巳

御午門受俘正以邦刑五月辛未朔

躬率王公百官加上

皇太后徽號乃宣布於四方懷柔百神

巡靖烝黎宙合以內喁喁款款咸憬喻乎師貞之吉而

詰戎之出於弗獲已也廷

臣

依景鳧藻摘挾毫翰

上掩班馬轢韓柳皆克雍容揄揚以盡忠孝

臣之

弇陋曾罔敢置喙已顧

臣

常伏誦

綸詔竊見五載以來羽書旁午

皇上握機運竿求衣鄉晨起饋既旰安居細旃而

周慮乎絕徼峙芻茭儲軍實支太府金以萬計者七千有奇

發策萬里決勝五百餘戰然後罪人斯得石留非欲奮
賊民非欲僕也而

聖人為之者拯九姓之夷於焚溺澹其菑也

泰元之神罔弗覆燾

大君之量罔弗怙冒疇谿嘆而弗佑孰蠢蹶而弗鋤彰
瘁之權寧或爽歟昔郎卡以驚悍之性恃其嶮遏

睥睨番落睚眦仇方毒逐于徼外澤旺見繫僭拉
且登之砧俎蚓連蛇結不可爬梳所爭在蝸角而
蹂躪及魚池

聖人有憂之是以有十三年之師鐘鼓效靈蹈其鋌鹿
解澤旺之囚郎卡肉袒面縛搏頰和門蓋未抵其
巢而已投戈歸命

皇帝矜憐悔罪之深曲體

昊緯好生之德釋其縛歸其地給其符聚其族謂蛇雀異

類猶知所報否亦潛蟄坯戶耦俱無猜我邊夷庶
永以告安堵也彼酋不悛曾未十稔蠢蠢狴鬥日
尋干戈洎索諾木世濟其惡棄僭拉之舊怨而婚
媾焉蜂則有螫虎負以翼燿火夜燭邊塵晝飛恣
施夾壩攘竊烏拉招誘姦宄戕害鄰司劫奪符印
而占據其室於是九姓之夷居不得晏其干闥服
不得績其桐布是用籲救于我

天朝以除其患嚮使

天子靳徵調之繁惜穀峙之費任臺吏以因循踵唐宋
明之故事維州議棄引玉斧以畫之則侵并者豈
特鄂克什而被戕者必不止草布什咱谿崙彫劫
存成邊患伊何底矣

宸衷獨斷往取其殘斥情竄之散材毗緣督之英特則
有熊羆之士不二心之臣勤恁旅力同仇敵愾乃
奇正相間揆勢而後會慮捷而後進徵勦受詘操
品滌數子夜械相顧之尸鑿齒就疇華之戮狐羣

鼠黨罄以周陟于是廢者興絕者繼巴賁騰肆笮
馬伏卓晏然而樂玉燭之調非

聖仁之施能若是乎夫肇禍者召殃而助順者召祉
帝者順

天衆庶順則有明效矣卓爾瑪梭磨土婦耳曩昔道從噶
克卓克采兩土司之二心而歸于正行滕千里躬
率弱息牽呼牟之牲儋釣藤之醞儲糗裹糒以迓
王旅及身膺賢順之褒厥子曳翠翎之彩晉宣慰之右

職頒號紙而更新匹婦之智一言之利以燕翼子
固其土疆而免三雜谷番人于塗炭識時務者豈
必俊傑哉彼金川二酋服其土職輯睦鄰封無作
匪慝子孫繼及雖百世可也何陰螳方逞其斧芒
技鼠已傾其憑社故曰君猶天也天可逃乎今二
凶既定丹徼塵清井絡以外鱗集仰流慮皆懷音
景化不敢正視乎軒轅之臺然夷情易惑服教貴
常警覺提撕俾永喻乎惠迪從逆之義獫狁不煩

六月之師有苗弗待七旬之格我

國家實嘉慶之亦耆夷永世無窮之福也

臣不揣禱

昧謹擬九姓土司箴四首以示風諭隨廷臣之末

上陳

黼宁

臣

不勝惶悚抃慶之至其箴曰

芒芒禹服井鬼之分蠻夷酋長環我景員厥姓有

九具惟

帝臣亦紆其綬各子其民無貳爾心洽比其鄰毋或祝

詛自作妖孽母或攘寢肆其饕餮貪必盡失其壤
殘必覆及其宗惟恭惟順誠與

帝通勿謂汝遠

顏威咫尺師如疾霆而負汝阻僻倣擾者殃如僧格桑
比逆者族如索諾木祇祇畏畏供職不疑及爾雲
初迪訓有彛匡人執規用告土司

男位乎外女修帷薄北也司晨井涕及幕曾是土
疆而婦言是若縣柳之漿潔爾新醪蘭干之紉勤

爾夜績亦有桶帚完其要褌金釵敝鼓式燕夷懌
毋造陰謀而干雲臺之議毋矜長舌而背黃龍之
誓汝有長舌職厲之階臯麗夫壻覃及童孩朝頻
戟於枳落暮伏鎖於藁街女也興戎鑒于阿扣曰
青曰蒼車繼以覆

帝命不愆休汝休咎汝咎譚人司準用告土婦

尚夸有長佐者頭人攸司獻者比於家臣亦紀亦
綱如指臂衛厥身曰告時事汝職駿奔臣妾遁逃

汝職警巡輔爾精夫四封慎守景我

皇風誕承

恩厚汝弗肆虐于人人孰敢汝取式撫裔夷孔安孔阜
阜則不匱毋為利誘安則有常毋為奸喉罔比周
以構衅罔行謀以犯叔阻兵安忍惟戎之首九首
九山卒戮相柳戒之戒之恪共爾服環人察慝用
告土司

螺螺蠕蠕亦蠢亦靈生民惟何蠻落流形枝峰蔓

壑棲汲相仍惟

帝德廣運欲並生生言食以毛爾稌則青言授以衣爾
錦則頽爾嫁爾娶夷禮是徵樂我

洪幃涵淹卵育偕偕黎獻厥心恭肅毋走墻好很毋嘯
聚角觸杜獲斂弇游于輯睦越畔而狂佻身飛鏃
怙惡弗悛鬧蛾赴燭胡不恤汝躬而保汝族順

帝之則無曰冥頑候人司疆用告百蠻

平定兩金川文

謹序

內

閣

中

書

臣

吳俊

臣伏讀漢臣司馬相如封禪文班固典引竊壯其辭采而詭稱符命尠裨實用以是少之及讀唐臣韓愈抑宗元所為元和聖德詩平淮西雅鋪張揚厲偉哉厥辭憲宗中治之世淮蔡密邇之區武功小立帝隆大道而詞臣斧藻德業矧鏗事功焜耀喬皇侈然欲凌三而四躋五以六何其誣也實不

足則競于文道不充則飾于貌理弗爽歟欽惟

皇帝陛下臨御六合道契鴻軒紹天闡繹握元符以撫
運執泰柄而中處旁魄洪衍騰華照寓巍乎赫乎
古未若已惟茲金川之捷蠻夷酋長凡有血氣聞
而咸驚曰其罔或不龔其疇敢不靖而一時鋪叙
功德或謂幽阻殲兇渠開曷設鎮勲卓圖紀說
誕而惑罔測

聖矩夫跳則誅歟則赦恢度也申誓約許濯磨鴻畧也

遲之久而征遲之又久而後進重兵也事定不居
功成不伐昭德也惟

一人統壹聖真稽謀定策天下晏然不見兵革而煙銷
日清休有成烈西南諸酋安集保聚既畏而懷銜
結世世則是役也為耀武歟拓邊歟抑否也彼漢
廷稱瑞唐世頌功虛而為盈得少為足益見其陋
矣臣竊不自揆敢述詩書之所述推見

聖人勒崇垂鴻罔不契乎拊本引綱之旨撰為平定兩

金川文一首雖文詞不足希作者亦庶幾存其實
云耳其詞曰

昊天無言於穆清寧迴泊沿乎四游晃朗耀乎三精下俯
亦曰蒼蒼物雜撰而自以為名角距牴牾猛噬驍
騰陰歆陽煦亭毒流形智慧蘖歟血氣牙爭此林
林總總皇穹不能形理求肖厥德者爰集于

大清

列聖傳序超軼紀載龐德鴻庸彪炳岱

皇帝御宇重華繼代滋溢滲漉靡有內外譬如衣被曦
魄莫測其光景邈處翕闕迺忘其履戴者矣若夫
天有橈槍地有豺虎腥臭之所聚屯山川之所掩
阻則度外置之封以丸土已而乃非人倫而衣冠
混百獸而言語爭蝸舍以噬鄰駭魔衣而吠主則
羊鞭後至馬戮驚羣

皇威燁赫雷掣霆奔捷伐所加雖槁葉之隕颼風輕羽
之迎烈焰無以方其迅疾也前者拔達靖葱嶺傾

準噶犁掃回部歟誠窮磧萬里邊烽不驚鄂爾渚
爾隰臯既牧天山南北蕃落以平斯則燕然勒石
戶庭之闕耳狼居稱封藩籬之志耳縱誅斬草昧
剗鑿鴻濛指崑崙以為家環星源以為宮烏有若
是之浩兮蕩兮決泝弗可形容者哉金川小醜負
險恃固部邇冉駝疊逼大渡域塹所畫天地之界
自秦闢蠶叢漢通邛笮未遑條其山川中其肯會
及乎沐浴

大化則羈之絡之秦之擾之信誓旦旦弗觸弗背矣既而自作不靖鄰封肆啟櫪馬爭蹠詭銜竊轡

皇武既張委命請吏許湔癥而濯垢未禽獮而草薶是乃

神武不殺豈直三驅之失前禽兩階之徵干羽而已夫獮狙冠服裂之安也唧蛆芻豢哇之甘也故促浸構衅始于革布什咱分背相踉終與僭拉交頸相靡其間明正木坪之倫與之衡扼丹巴沃雜之屬

為之介倪於是陶誕突盜闖扼驚曼睢盱相視譁
張為幻螫蝮饕餮殺人而嬉目熒四鄰氣吞九司
黠者煽於毒蝕弱者肉于刀機於是

皇帝乃命將選鋒整旅詰奸金鼓所震摧礪裂巖收明
正下資哩復草布氣斯震矣據美諾克木達威斯
宣矣擒澤旺走僧格桑力斯舉矣然而梟酋索諾
木猶敢以褫魄之餘吮沫窮竄之驚魂肱支僂拉
之賊目熒惑美諾之降徒將欲反榆鯁于枯葭當

椎輪以螳臂非鬼非人如羹如沸既媾既婚若兄
若弟腎茲蠢哉貫盈於自大而詞託於同病心險
乎山川而朋彙乎梟獍雖蜮肆其奸而不知天已
訖其命矣

皇帝遂詔定西將軍阿桂由南路移師進攻嫺整烏藻
精練羅熊氣抗崇山聲摩層穹健銳火器諸營淬
其鋒吉林索倫諸軍勵其鏖三秦三楚諸鎮枕其
鐔滇南黔中諸隊襄其鈇運以

神謨揮以龍韜洪決崑岡纖劈秋毫九地潛攻九天招
搖赫赫烈烈沟沟旭旭曾不自日而賊空其巢于
是谷噶批瑪尼割羅博耆喇穆析康薩脊解木思
尻劈支斷溟普胸剗默格昆色胸而用燔茹寨腴
而可食菑則髡大海剗莫不股判雕分脂剔骸折
賊巢勒圍既而覆滅獸困而守險鯨奔而沸波衛
舍齊與雍中意負嶠而誰何地羅天畢水斷陸絕
煙騰霧腥木灼草赤天地之所震眩精靈之所駭

懾幽赫魑魅明拉崖壁而後性戒自戕籲逃伏蹟
詭捧印而鞠跽猥械脰而闕膝懿五稔之役萬里
之師百戰之烈逮茲而始即天風飄飄送旋旆也
猿鵲吟嘯和凱鏡也左簞右壺勞

皇旅也巴歌渝謳揚樂愷也覩斯烈也所謂鴻鑠龐隆
不可殫之顯庸矣且夫摧危礪伐叢莽非如刳單
于磔屬國之游牧而更番人懸車士束馬非如驅
橐駝燒螟螣之卧戈而據鞍用力甚勩集勲若斯

堂哉皇哉侯其禕而然而

皇上抑乎虔鞏深思無窮

兩陵申告則曰是惟

烈祖垂馨烈焉羣臣歌頌鴻懿則曰是惟

聖母篤慈祐焉青氣上屬榮光升邱則曰

蒼帝報瑄鄉焉奠于

素王在泮樂只則曰好謀必克符

聖契焉虔劉不庭嘉勞勤恁表厥懿綱是用錫之殊

等馬敷宣景耀答

床垂光是用鏤瓊冊崇

徽稱焉方是時也草木鳥獸喜歡懌悅嶽靈瀆神昭應妥

帖臣備員省闈望見

皇上穆穆之光退而聆樂章于太常猗歟休哉洵

大清之融祉

聖皇之恢綱也電電竟天而天弗庸岱嶽枕地而地弗

功大矣至矣莫矣高矣

平定兩金川方略